

## **Universitäts- und Landesbibliothek Tirol**

### **Franz Schwegger's Chronik der Stadt Hall**

**Schwegger, Franz**

**Innsbruck, 1867**

Perkhwerkh zue Schwatz

hör bey Inglistat glegert und da seiner feindt des schmacaltischen 1546 pundts gewart. Der schmacaltisch pundt sambt den 2 obpemeltn fürstn haben sy glegert enhalb der Thonau mit yrem gwaltigen hör.

### **Eroberung der clausen Ernburg von feindtn.**

Anno 1546 am 9. und 10. Julii hat der von Augspurg hauptman, Sebastian Schärfl, der von Ulm hauptman, Marzel Dietrich und Walthausen Fueger von Nörlingen mit etlichen tausent kriegsvolkh in namen des schmakaltischen pundts eingenomen die stat Fuessn und das gschloss und clausen Ernberg genant, ain portn der grafschafft Tyrol. Ditzmal ist pfleger gewesen herr Jakob von Thunn, auch ist im zuegeben wordn Hanns Graff, perkrichter zu Hall. Seind nachmals von kgl. maj. zu Innsprug gefancklich ghaltn worden.

Am 11. Julii, am sūntag zu morgens die 4 ur hat man rat und gmain ghaltn und 3 kgl. pefelch verlesen, so in der nacht nachainander khumen seind, der inhalt ist gewesen, dass die gantz burgerschafft hie mit sambt den inbonern soltn in whör und harnischt sein und eylentz der clausen und gschloss Ernberg zu.

Da seind um mittntag zu Hall auszogn 200 und 67 man, aussgnomen die scheffleith, pecken, metzger, pfannhauser haben müessn zue Hall pleiben.

Die 267 man seind disen tag gen Zierl ankhomen, den andern tag habn sy ir gleger ghaltn im thiergartn pey sand Martinswandt mitsambt dem grossen gschitz, auch der von Innsprug purger und inboner, der seindt gwesen 100 man, das gericht Thaur 200 man, haben sy selbst ausgeschossen. Der von Hall ist gwesen hauptman Paul Guetman, fendrich Hanns Rottkhircher. Ir gleger haben si ghaltn im thiergartn 10 tag.

### **Perkhwerkh zue Schwatz.**

An disen sūntag ist auch durch Hall zogn dy khnappen zu Schwatz vom perkhwerch mit sambt den schmelzherrn, auch das landtgricht Freuntsperg mit yrer manschafft; haben pey 8 fännlin ghabt, seindt gschetzt worden 7000 man ungefärlich. Disen abent seind sy zu Innsprug ankhumen und übernacht da pliben, den andern tag auf Zirl zue.